

郭若定編著

明日醫藥
叢刊之一

漢藥新覽

上集
第一冊

北平明日醫藥雜誌社印行

紀念

先祖蘭余先生栽培的功績

郭若定謹誌

廿六年
五月一日

漢藥新覺譚序

醫藥必須科學化者，豈趨時故作高論哉？蓋循學術之原則，依進化之順序，非如此不足以明醫藥之真理，而獲得改良進步之實效也。雖然，科學之義，至謹至嚴，徵之客觀，按之事實，必有真確之證據，統於一貫之理解，非可漫然者也。抑行遠自邇，登高自卑，又必切乎中庸之道。況以求真理爲目的，更不容有人事之私見存於其間也。

今之以科學整理國醫藥者，說亦衆矣！取而觀之：能不向壁架空，冥行默索者幾何人？能不標異鳴高，詭辯求勝者幾何人？能不見深畛域，黨伐相尙者幾何人？其有瑜瑕互見，新舊兼收者，雖視前稍進；然揆之科學之真諦，亦豈有當哉！況說之當否猶空言也，尙須進夫實際之工作，庶其有成。若說而不當，則知且不知，何有於行。遵此而欲國醫藥之科學化，豈非北轍而南轅者乎。

吾友郭若定君，獨能力矯此失，以堅卓之志，著漢藥新覺一書，其詞明，其旨約，其敘述藥效也，照事直書，靡不切乎生理病理之正軌。純從經驗以闡明中藥科學之原理；分門別類，而示後學以津涯。一掃從前虛幻誇張之瞽說。夫繁者簡之，晦者顯之，從原理原則而闡明之，非即科學整理之道歟！例如麻黃柴胡銀花石膏等之爲解熱劑也，前人視爲冬寒春溫之要藥，又分三陽辨治，三焦異用，斯既玄之又玄，而復難之又難。今從是書而知概爲解熱之用，則玄者不玄，難者不難，如撥雲霧而見青天，所貴科學整理者此耳。故是書之成，不獨開中藥治療之紀元，尤足供中藥實驗之先路。發揚國粹，昌明醫學，厥功大哉！

中華民國二十六年春月廣州譚次仲謹序

漢藥新覺葉序

中醫治病之價值，在藥效不在理論。中藥應用之憑藉，在症候不在病原。蓋藥效從經驗而來，理論係推想所得；內部有某種病理變化，斯外部有一定之症候呈現。審症候，投方藥，治之而癒者，中醫固自有其科學之真理存焉。

△惟古人探究醫藥，無其他學理科學器械爲之助，大率知其然而不知其所以然。若追求其理論，則難免推測假定以五行氣化爲病理，而連帶以色相氣味爲藥理。自唐宋元明以至於今，論藥之書，何啻汗牛充棟，要皆不能越五行氣化等謬說之藩籬。是以藥物書空論愈多，功效愈不確；反使神農本草經陶氏名醫別錄等忠實之經驗記載，淹沒不彰。優良有效之國產藥物，不能見信於世界者，皆玄說之累也。

夫藥物爲醫療要具，居今日而言整理中醫學術，首在研究本草。而本草

之研究，須絕對闢除陳腐之舊說。關於每藥之性狀形態成分及生理作用藥理作用等，當以近世科學爲依歸。友人郭若定君，精通中西醫學，慨中醫本草學之不可不亟爲整理也，乃本其研究所得，著爲漢藥新覺一書。其整理方法，以歷代經驗之功效爲經，以近世之生理病理藥理爲緯；依照現代藥物學之分類編輯，朗若列眉。經驗學理，兩皆不悖；誠爲醫者之良好參考書，初學者之模範讀本也。今秋橘泉受國醫研究院之聘，來蘇担任教職，對於課程設備，頗多改進。而於藥學一科，諸生乃自動廢去舊說之本草，改選此書爲課本。棄虛無之玄說，就科學之實際，豈非真理自在人心者哉？故是書之作，影響於中醫之改革者頗大；爰序數言，以告研究是學者，知所取擇焉！

中華民國二十五年冬月吳興葉橘泉序於蘇州國醫研究院

漢藥新覺吳序

中醫藥之導源誠古矣；亘久遠而卒不敝者，以其周於今之用也。醫學至衰周而盛，歷漢魏六朝而大成；然漢魏以降幾二千年，學者矩矱高曾，曾無所加於舊也。予嘗怪清儒經子之業，遠掩漢宋，獨醫學無少推展，且視前代益衰。間嘗推燭其故：蓋醫者承其師說，扇其玄風足以聳動羣耳；治經之法繁密，非窮年累月，爬梳抉剔，博覈羣籍，不足以立一說，治一書。人情憚於更張，誰復敵精神于此？是以清儒方法雖善，醫學獨未少受啣濡，非無故也。

今西士之言醫者，不徒恃耳目經驗，窮原探本，挾利器以周旋，其識辨之閎，方術之精，器用之奇，非惟視乾嘉經師無遜色而已；中醫藥不蒙清儒之影響，猶足封己以自存，若持原始之藥石刀圭，數千年前之舊方故技，以與新法利器相爭衡，精窳既殊，淪胥可待，夫不周于用，人將鄙棄之不遑矣。予雖業醫，而盱衡現勢，視同業之承流襲敝，以莛破鐘，狂言無擇，尤

盡然哀之。顧予非怵於時風，好持異論，以助外來學者之張目也。夫術無新舊，以利生祛病爲歸，若互抱拘虛，必將失之偏蔽，偏則易戾，蔽則違眞。棄短以從長，折衷以求至當，此今日學者所宜共循之轍，非是則顛矣。

今年與友人數輩，謀設寧波國醫專校，頗與醫林賢達通綰紆，往復咨諏，不以鄙言爲謬。旣因四川祝君敬銘，識夔縣郭君若定，析津王君藥雨，皆深識憂時之士，以革新醫學爲其職志，雞鳴起晦，足以張吾軍者。郭君復郵眎近著漢藥新覺一書，徵序於予。蓋君竭數年心力，薈萃固有藥物，部居條析，以類相從，稽其功能，擊其疵雜，藩籬不設，旌別兼施，淹貫羣言，無踵陋躡訛之失；而於病理生理之作用關係，尤多洗發。君蓋能用清儒治學之法，而其識足輔其志，納新吐故，翦櫟披榛，而後千年之翳障一空，中醫之功能畢顯。曰「新」曰「覺」者，非新則可以無作，非覺亦無以馭新。破舊說之拘迂，將必以君書爲木鐸。而君之志銳，君之識沉，固將爲醫學闢康衢，則此書猶其嚆引，尙不足以測君之所至也。予故樂爲之序，以告讀君書者。

二十六年六月古越吳涵秋

漢藥新覺王序

先祖維政公，遂於醫，年逾八旬，披卷不輟。雨、時方髫齡，粗解文字，教澤雖親，所知殊淺。年長，稍習科學，每聞五行生剋之說，輒懷鄙棄中醫之念。後雖涉獵中西醫籍，然用力不專，愧鮮進益。民國十九年，南開大學聘雨赴東北調查移民墾荒事，嚴冬至海倫，氣候下冰點五十度，奔馳荒野，感受奇寒，乃罹重病。南詣哈埠，延日俄醫師不治，復轉至瀋陽，就診於北平中醫郭君，一劑而愈，心竊異之。於是勤研中西醫籍，求其相同相異之點。嗣從師問業，所獲漸多。數載以還，深感中醫學系統不明，分類不清，標準不齊，因果關係欠正確，而一般醫籍之編纂法，尤乖乎以簡馭繁之要旨。科學家嘗謂中醫學不足登現代學術之林，蓋有故焉。

雖然，中醫學之眞價值，乃在見症用藥之實效，不在虛玄附會之學說。姑就熱病而言：麻黃桂枝湯，稽留熱初期之主劑也；白虎湯，弛張熱亢進期

之主劑也；柴胡湯，問歇熱之主劑也。依證加減，如響斯應。惜中醫藥理書籍，大都涵義不清；即治學初步之分類方法，猶未做到。具數千年歷史之中醫學，其學說迄少科學之整理，致日就衰落，不能隨時代以俱進也。

△吾友礪縣郭若定君，早年畢業於上海中醫專門學校，復隨師實習有年，學問經驗，淵源有自。近年就學驗文獻所得，致力於中藥效用分類，成績極佳。民國廿二年春，雨調查河北高陽鄉村工業，於民衆教育館偶見廣濟醫刊載有郭君「漢藥新覺」初稿數章，分類詳明，解釋精當，對於每藥與生理病理之作用關係，闡發靡遺。頗能發皇古義，融會新知，驚爲中醫籍中創見之作。讀後愛不釋手，乃於晨夕公暇，急筆抄存。由是信使探討，成爲神交。頃郭君全書行將付梓，囑序數言，藉作紀念。欣幸之餘，謹誌彼此同道之涯略如此；賀郭君，并勵自己也。

抑更有進者：近年中醫科學化之說，甚囂塵上，然欲求一眞能瞭解中西醫學之作品，實不多覩。即號稱善於取長去短之日本學術界，研究漢醫，亦頗有神貌無似之處。如醫學博士渡邊熙氏，於其所著和漢醫學實驗集一書，

以胎生學比附陰陽五行，即其例也。郭君斯作，獨能融會貫通，卓然自樹，取材編排之法，皆與科學相脗合。將來納中西於一軌，臻世界醫學於大同完善之域，此書實開其端，則有功學術，豈徒中醫界已耶？

中華民國二十五年端午津沽王藥雨序於故都蠶園。

凡例

一、本書依照現代藥物學之體裁，參合生藥學藥理學藥治學等編著而成。其主旨在用科學方法，闡明漢藥治病之真理，故特注重於藥效及應用。

一、本書取材標準：以習用而功效著明之漢藥爲限。其有加入最普通之洋生藥及化學藥品若干種者，一以資補充，一以資比較也。

一、本書所用病名，因中名涵義渾淆，易滋附會，故一以西名爲準。

△一、本書分總論各論兩大篇。總論係泛論藥物學之通理，漢藥一般之知識，調劑之要義等。各論則用通行之臨症的分類法，以排列藥物；於每類藥物之首，先叙該類藥物之生理作用，醫治作用，以挈總綱。以下分叙每藥之性狀，主治，用量，製劑，禁忌，處方，附錄，舊說等項，以明個性。

一、藥物之歸類，其有兩種作用以上者，則列入主要作用之一類，或應用較廣之一類，如黃連之歸入解熱藥，不入健胃藥類，即其例也。

一、性狀一項：記明藥物之科別，形態臭味，成分等，使學者對該藥有大概之認識。

一、主治一項：用種種考證之方法，記述藥物之作用，適應之病症。

一、用量一項：記明每劑（多爲一日量）或每回之普通用量。劇毒藥則并註明其極量。極量無標準可按者，則僅加說明，暫付缺如。漢藥用量，向以中國衡制之錢爲單位，每一市錢約合萬國公制三分零，茲爲便利起見，以一錢折合四公分計算，同時並載。好在漢藥性多和平，稍有出入不妨；但於劇毒藥之極量，則一以萬國公制之衡量爲準，宜特別注意。又每藥之宜作何類劑形服用，亦於本條下同時說明之。

一、製劑一項：因目前尙無標準化之生藥典可按，故僅由編者示其大概，以作改進漢藥之初步辦法（亟盼中央國醫館或衛生署完成中華生藥典之重要工作）。

一、禁忌一項：因配合禁忌詳載於總論附錄篇，故本項僅記明該藥禁用之病症而已。其有禁忌不甚重要者，則付缺如。

一、處方一項：所採各方，大都爲習用而功效著明者，每藥選載數方，皆註明其方名，并記明其用量用法適應症等，藉以證明該藥之治效，而使學者之揣摩攷覽。

一、附錄一項：凡藥物有治驗實錄，化學研究，動物試驗，及其他有價值之資料者，均列入之。

一、舊說一項：僅選錄歷來本草之樸實記載，以作參考。其於陰陽五行等說，則略而勿取焉。

一、其餘詳見本書原文中者，凡例中一概略之。

△ 一、本書之主要藥學參考書，爲：本草綱目（李時珍著），和漢藥考（小泉榮次郎著），現代本草生藥學上冊（趙燏黃等著），藥理學（余雲岫編譯），藥治學講義（張克成譯），藥物學（森島庫太著），藥物學大成（丁福保著），實用藥物學（鄧立銘等），藥徵全書（東洞古益著），中藥性類概說（譚次仲著），衷中參西錄藥物講義（張錫純著），中華藥典（衛生署編），藥用植物圖考（王適聲編）。其餘書籍雜誌，未遑備舉。

一、編者學植譾陋，而本書之作，又屬中國本草學上之闢荒工作，自在各地醫刊報章發表以來，讀者復紛促出版，故匆匆付印，限於事實環境，挂一漏萬，錯誤必多，大雅君子，幸而教之。

誌謝

本書之得以早日出版，王藥雨君鼓勵之力爲多。又蒙校對修正設計，特此鄭重誌謝。

漢藥新覺上集第一冊目錄

譚序

葉序

吳序

王序

凡例

——總論——

第一篇 藥理總論

第一章 藥物之定義

第二章 藥物之作用

第三章 藥物作用之條件

(一)局所作用(二)吸收作用

(一)藥物之分量(二)投藥之反覆(三)製劑之精粗(四)藥物之理學的性质

- (五)藥物之用處……………(一)消化器內應用……………(二)靜脈內注射……………(三)皮膚應用……………(四)肌肉內注射……………(五)呼吸器內注入法(六)個人的關係……………(一)年齡及性別……………(二)體質及營養狀態……………(三)特異體質……………(四)免毒性……………(五)藥效隨疾病而異(七)藥物之並用……………(一)協同作用……………(二)拮抗作用……………

第四章 藥物應用後之末路……………二三

(甲)吸收入血之藥物

- (一)藥物在體內之變化……………(甲)中和……………(乙)酸化……………(丙)還化……………(丁)複合……………(戊)分解……………(二)藥物在體內之沉着(三)藥物之被排泄

(乙)局部應用之藥物

第五章 藥物之對病應用……………二七

第六章 藥物之分類……………〇

- (一)臨症的分類法(二)臟器分類法(三)化學的分類法(四)萬有學的分類法

第二篇 漢藥漢方概說

第一章 漢藥之起源及中日本草學之沿革……………三五

第二章 研究生藥之通則……………四三